

**KUÑA PARAGUÁI REFLEXIÓN DE 5'**  
**VERSIÓN RESUMIDA NÚMERO 74**  
**MBO'EPY: MBA'E TENDÁPEPA ÑANACE – JACOB HA ESAU.**  
**Tema: El orden en que naciste/Jacob e Isaú**

**Maralina:** Maitei che angirû. Umi iñarandúva he'i pe mba'e tendápepa ñanace tuichaiterei mba'e. Jaikuaa ramo ko'áva mba'e ikatu jahechakuaave ñande rapichápe ha ñande avei jajekuaave. Jahechamíta mba'éichapa pe ijypykue, mokõiha ha ipahague.

Ñañepyrû ijypykuégui. Ha'e oñeha'ãmbaite voi ojapo umi ojepy'a mongetáva. Py'ýinte ojepy'amongeta mba'épa ojapo va'erã. Mbo'ehaópe ha'e oñeha'ãmbaite voi oñemoarandu haġua. Py'ýinte ha'e oñembojojaiterei hapicha ndive ha ojapopase pe hembiaapo kuéra. Ha'e oñeha'ã mbaite voi omohenda haġua umi mba'e oguerekóva ha ojapo porãse hembiaapo. Ha'e pe oje'e háichaite chupe ojapo. Ha'e ipy'a peteĩ ha oipytyvõse hapichápe. Ha'e umi líder omotenondéva hapicha kuérape. Nda opavavéi péicha.

Ñañe'êta pe mbyte pegua rehe. Peteĩ ñe'ẽ oho poráva hese ha'e hína ipy'aguapy. Ha'ekuéra oporoipytyvõ ani haġua ojeiko vai. Ha'e ikatupyry oporomoingo porã haġua ha oipytyvõ eterei avei hapichápe. Ha'e kuéra oñeha'ã mbaite voi ani haġua ojeiko vai. Ovy'a iñangirũnguéra ndive, ipojeraiterei avei ha iñirũnguéra apytyépe ovy'a. Oporoipytyvõ kuaa ha ndahasýi ñaime hendive.

Opakuévo ñañe'êta ipahague rehe. Ha'e ohechauka hemiandu ha omokyre'ýkuaa hapichápe. Ha'e porohayhu kuaa ha sapy'ánte ndojepy'a mongeta porãi. Péva oiko oĩ rehe hogaygua oñangarekóva hese. Sapy'ánte ojaporeive ha umi oipy'a ra'áva chupe ohekave. Heta mba'e rehe ojepy'a mongeta, heta mba'e ojapokuaa ha oporombopuka kuaa. Ohasase hapicha kuéra ndive opukami haġua.

Pe tenda ñanace hápe ha'e peteĩ mba'énte omombe'úva ñandéve mba'éichaitépa pe yvypóra ojepy'a mongeta heta háicha. Aguerovia pe Ñandejára ojapóva iñambuete voi ,ndaipóri ijoguaha. Ha'e ñande apohare ha ñande rayhu, ha oipota avei jahayhu chupe peteĩ mitã ohayhu háicha itúvape.

Ha Ñandejára ñande apo peteĩ mba'erã. Peteĩ mba'e ñamyesakãta profeta Jeremias capítulo 1pe ohai va'ekue: “Rojapo mboyve nde sy ryépe , roikuaáma va'ekue, ha resẽ mboyve chugui roiporavo va'ekue che mba'erã. Romoĩ maranduhára ramo tetãnguérape ġuarã. Che katu ha'e: ¡Anína ,Ñandejára! Che niko mitã pyahu ha na ñe'ẽkuaái ha Ñandejára he'i chéve: Ani ere “che ko mitã pyahu”, mamo rojokuáihápe rehóta ha eréta che ha'éva ndéve. Ani rekyhyje avavégui ,che aiméta ne ndive romo'ã haġua”

Ñandejára ojapo Jeremiaspe ha oikuaáma mba'erãpa hekove ha upéicha avei Ñandejára ñande apo, nda jakyhyjéi va'erã Ñandejára oikuaa mba'éichapa

jahasa ko'ağa ha amogotyove avei mba'épa ñane ra'arõ. Oĩ ñande ykére ñane pytyvõ hağua. Tuichaiterei mba'e ñande rekove Ñandejárape ĝuarã.

Salmo 127: 3pe: "Ñandejára niko ñande rovasa hína ome'ëvo ñandéve ñande ra'y ha ñande rajykuéra", Salmos 139: 13pe he'i: "Opa che retepy ne rembiapokue, ha che sy rye pýpe che apo ñepyrũ va'ekue." Ha Salmo127: 1pe: "Ñandejára, óga nomopu'ãi ramo rei ete imopu'ãha oñemoĩta omba'apo hese."

Ajerure ndéve eñembo'emi hağua che ndive ja'évo: "Ñandejára ore ru , aguije ore apo haguére ore háicha. Aguije ndéve ore memby rehe ha'égui jopói reme'ëva ha ore rovasa hese kuéra rupive. Ore pytyvõ kena toiko ore hegui pe sy oporohayhúva ha ne momba'éva ha upéicha toroiko techapyrã ramo ore memby kuéra nde rayhu hağua avei ha tane momba'e hekove kuérape. Ha ore rógape roiko hağua py'a guapýpe ha rojohayhu hağua avei. Nde ra'y Jesús rérape . Taupéicha."